



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

91.99
L-38



1 Է 0

891.542-3

L-40

ԿԱՐՄԻՐ ԳԴԱԿԸ

(Արտատպած «Մշակ» լրագրից)



Տպարան Կ. Ա. Նքեանցեանի
Թագու 1904 թ.

19 NOV 2011

891.99

L-38

L 6 0

891.542-3

L-38



Ա. Ա.

ԿԱՐՄԻՐ ԳԴԱԿԸ

1810


(Արատուպաժ «Մշակ» լրագրից)



Տպարան Ե. Հ. Արեւանցեանի
Բազու 1904 թ.



Կ Ա Ր Մ Ի Ր Գ Դ Ա Կ Ը



Ի՞նչ անսպասելի սիրուն, ծաղկած ու կանաչ էր այն շաբաթ օրը, որ իր ծոցից հանել էր ապրիլը: Գեռ ե՛րբ էր, որ Թ... գիւղը լցվեց մարդկանցով: Գեռ արեգակ չը կար, երբ գիւղի լայն ու հարթ հրապարակում սկսվեց անսովորադմիալի իրարանցում:

Առնում էին, ծախում էին: Տարվայ բոլոր օրերը տօնավաճառ կայ այդ գիւղում: Մի ամբողջ գաւառամաս իր հարիւրաւոր գիւղերով Թ... գիւղն է գիմում մի բան ծախելու եւ մի բան առնելու համար: Բայց տարվայ մէջ մի շաբաթ կայ, որին անհամբեր սպասում են խանութպանները. եւ դա Զատիկի թաթախման օրն է: Ելդ օրը վրա են թափվում գաւառամասի բոլոր գիւղերը: Տօն օր է, երկար ու բարակ սակարկութիւնների ժամանակ չը կայ, խորվելու մասին շատ չեն մտածում: Առեւտուրը շահաւէտ է...

Ինչպէս արագ լցվել էր Թ... գիւղը, այնպէս էլ արագ դատարկվում էր: Գործը վերջացնողը իսկոյն

Дозволено Цензурою Тифлисъ, 11-го Юня 1904 г.

ճանապարհ էր ընկնում: Գեռ առաւօտ էր, բայց Թ... գիւղի շրջակաները մի շատ գեղեցիկ տեսարան էին ներկայացնում: Նա հարթավայրի վրա է տեղաւորված եւ ամեն կողմից լայն ու ուղիղ ճանապարհներ են մտնում նրա մէջ: Ահա այդ ճանապարհների վրա դանդաղ ճռնում էին սայլերը, ձիաւորները շտապում էին ժամ առաջ յետ թողնել տափարակները ու մտնել լեռների մէջ: Որը քշում էր իր էջը, որը կանչում էր յետ մնացած ընկերին: Հետեւակ գիւղացիներ, մեծ թէ փոքր, տղամարդ թէ կին, շտապում էին. խմբեր էին կազմում, ցրվում էին, ազմկելով գարնանային ըսքանչելի օդը իրանց խօսք ու զրոյցով: Ամեն մէկը մի բան տանում էր իր հետ. ամեն մէկը ուրախ էր իր բաժնով:...

Վերին-Չենացի Գաբրիէլն էր, որ գէւ իր բաժինը չէր առել: Նա կանգնած էր Թ... գիւղի հրապարակի աջ կողմում, հին ու մեծ յանդանոցի կողքին եւ յամառ ու անշարժ նայում էր: Արեգակը բարձրացաւ, բարձրացաւ, արդէն կէսօրվայ տեղն էր հասնում, բայց Գաբրիէլը գեռ գնողի էր սպասում: Սպիտակ ձին նրա կողքին կախ էր արել ականջները բեռան ծանրութեան տակ: Արդէն խանութպանները ներս էին հաւաքում իրանց ապրանքները. հրբապա, բակում հատ-հատ մարդիկ էին մնացել, դրանք էլ, երեւի, մօտիկ գիւղերից էին. շտապելու կարիք չունէին: Մինչգեռ Գաբրիէլը շտապում էր. նրա արջեւ բաւական երկար ճանապարհ կար...

Օրը այնպէս չէր նրա համար, ինչպէս նա էր սպասում: Ի՞նչ յոյսով էր եկել այստեղ: Համարեա կէս գիշեր էր, երբ նա վերկացաւ, չոր ու ձուածեղի պէս կարմիր ու դեղին փայտ դարսեց սպիտակ ձիու մէջքին: Սովորականից էլ շատ դարսեց, չը խնայեց խեղճ շորքոտանուն: Ուզում էր լաւ գնով ծախել, հեշտ ու շուտ ծախել: Հարկաւոր էր. նա պիտի մի սիրուն բան առներ իր Գրիգորի համար:

Տանը ամենքը քնած էին, Գաբրիէլը շտապով վերջացրեց իր գործը, շտապով ճանապարհ ընկաւ, մինչեւ անգամ չը գնաց տեսնելու քնած Գրիգորին, ինչպէս անում էր միշտ: Արեւը ծագելուն պէս եկեղեցու գանգակները պիտի տային, իսկ եթէ նա լսէր գանգակների ձայնը, դա կը նշանակէր թէ շատ է նա ուշացել: Իսկ ուշանալ չէր կարելի: Պէտք էր այնպէս վերադառնալ տուն, որ Գրիգորը իր առած բանը հագած գնար թաթախման պատարազին:

Այդպէս էին վճռել մարդ ու կնիկ: Կնիկը արել էր այն ամենը, ինչ կարող էին անել նրա մասները: Երէկ նա գնացել էր անդը, բաղել էր կանաչ, կապոյտ, կարմիր ծաղիկներ, որ նրանցով ձու ներկէ Գրիգորի համար: Օրերով առաջ նա եփել էր ձուաներ եւ նրանց վրա կպցրել էր դեղին մոմի նախշեր: Մնում էր գցել այդ ձուաները ներկի մէջ, վերցնել մոմը, որ պատրաստ լինէին խաշերով, թռչուններով, ծուռ ու մուռ գծերով դարգարված ձուաները: Մէ-

կի վրա նա նոյն իսկ մարդու պատկեր էր դուրս բերել: Գրիգորի պատկերը, ասում էր նա: Եւ այսօր երեկոյեան ամենքը կը տեսնեն նրան, այդ պատկերը: Մայրը արել էր ամեն ինչ: Իսկ հայրը:

Այսօր փայտ չեն առնում: Առնողի հաշում չէր կազ գինեվաճառը, որ արաւօտեանից մի երկու անգամ մօտեցել էր, գին առաջարկել, բայց ինչպէս միշտ, անաստուած գին: Գարբիէլը պատասխան էլ չէր տուել նրան: Այդպէս են համարեա բոլոր գիւղացիները այդ կաղի հետ: Ամենքը գիտեն, լաւ ճանաչում են նրան: Եւ երբ առնողը միայն նա է, նշանակում է թէ բեռդ վերցրու ու յետ տար:

Յետ ասնել: Այսօր այդպիսի միտք չեր կարող գալ Գարբիէլի գլուխը: Դիմացի խանութի առջեւ չթի կոյտեր էին թափված, իսկ նրանց վրա դրված էր մի փոքրիկ կարմիր գդակ: Առաւօտից նրա վրա էր Գարբիէլի աչքը: Առաւօտից նա իմացել էր, որ այդ կարմիր գդակը շատ լաւ կը լինէր Գրիգորի գլխին: Որքան լաւ կարած է, բայց գոյնը, գոյնը: Արեւի տակ վառվում էր ալ-կարմիր կասրը: Ել ուրիշ բան չէր տեսնում Գարբիէլը հրապարակում: Մարերում չի լինի կարմիր ծաղիկ, որ այդպիսի գոյն ունենայ: Մարդը ամբողջ սրտով կպել էր գդակին, նա իրանը պիտի լինէր:

Մի երկու անգամ Գարբիէլի սիրտը թրթռաց, մարգիկ մօտեցան չթերին, վերջին գդակը, շուտ տուին նրանց ձեռքերում: Ծայտողը ինչօր բան

ասաց, աշխատում էր ծախել, մի քանի անգամ յետ կանչեց գնողներին: Բայց—Աստուծու բանն էր, Գարբիէլը այսպէս հասկացաւ—գդակը էլի իր տեղում մնաց: Բախտը Գրիգորինն էր: Թող նա գնէ իր գլխին, եւ այն ժամանակ կը տեսնենք՝ կը լինի գիւղում նրա պէս մի ուրիշը: Զի լինի, ի հարկէ: Գարբիէլը նայում էր իր փայտին, նայում էր եւ հեռում կապուտին տուող սարերին: Իրանց սարերն են: Եւ այն տեղից, բարձր գազաթից, Գրիգորը, մօր փեշից բռնած, նայում է, կարծես ձայն է տալիս, ուզում էր: Եւ մայրն էլ ասում էր իր տղամարդին, որ առանց կարմիր գդակի տուն չը գայ:

Ո՛չ, առանց նրան չի գնայ Գարբիէլը: Զատիկը ամբողջովին մի կարմիր գդակ էր դարձել նրա համար: Ուրիշ ոչինչ չէ երևում նրա աչքին:

Իսկ հրապարակը բոլորովին դատարկվել էր, իսկ գարնան օրը կարճանում էր Յոյսը կորցրեց Գարբիէլը, ու բռնելով ձիու կապը, սկսեց խանութից խանութ ման գալ, խնդրել որ առնեն իր փայտը: Այդ էլ շօգնեց: Մի երկու տեղ նրան ծաղրեցին այդ օրվայ աշխադանքից հպարտացած մանրավաճառները: Գարբիէլը տղամարդ էր, կորածներից չէր: Նա ինքն էլ գիտէր խօսել պատասխաններ տալ: Բայց այսօր խօսելու տեղը չէր: Կարմիր գդակը կապել էր նրա բերանը: Յանկարծ նա տեսաւ, որ կարմիր գդակը այլեւս չը կայ: Զէ՛ երեւում: Զի ու կապը բաց րնկաւ նրա ձեռքից և առաջին բանը, որ

արաւ նա, ձին այդտեղ թողնելնու դէպի խանութը վազելն էր: Գնաց, հարցրեց: Ատուծու բանն էր նորից այսպէս հասկացաւ նա—գրակը ծախված չէր, այլ միայն խանութի ներսն էր տարված:

Բայց էլ չը սպասեց Գաբրիէլը: Ճարը էլի գինեվաճառն էր: Այսպէս էին ասել նրա պէս շատերը: Նա տարաւ փայտը, չը նայեց էլ գինեվաճառի երեսին և միայն յայտնեց, որ համաձայն է: Կազը սկսեց սաստիկ հայհոյել նրան սա էլ սովորական բան էր: Գաբրիէլը լռեց, պատասխանը մի ուրիշ անգամի թողեց, գօռով կրծոտում էր չըթունքները որ լուռ մնայ: Մի հինգ կօպէկ էլ պակաս տուեց գինեվաճառը ասելով, թէ այժմ ինքն այսպէս է ուզում: Այդ էլ ոչինչ:

Փողը բուռի մէջ պինդ սեղմած, Գաբրիէլը գնաց գրակ ծախողի մօտ: Մի յիսուն կօպէկի բան էր, աւել-պակաս չը խօսեց, տուեց առաւ ու գնաց:

Սպիտակ ձին քայլում է մէծ աշխոյժով: Գաբրիէլը նստած է նրա վրա. գոհ սրտով տուն վերադարձող մի գիւղացի է դա: Երբեմն երգելն է զայլս, երբեմն ծիծաղ. մտերմաբար խօսում է ձիու հետ, անգաղար շարժում է ոտները, որ ձին իմանայ թէ պէտք է արագ գնալ: Ճիպտա չէ բանեցնում նա. և չէ էլ կարող բանեցնել. իր ճիպտի ծայրն է անցկացրել կարմիր գրակը և տանում է նրան գրօշակի պէս, բարձր պահած: Այդպէս լաւ է. սիրուն գրգակը չի փշանայ, չի ծումովի, նրա վրա թող չի

նստի: Եւ շուտ-շուտ ցածրից դէպի վեր է նայում Գաբրիէլը, տեսնում է թէ ինչ է տանում իր հետ, լիաբերան ժպտում է, մտառ է գնում Գրիգորին: Ապա գլխի շարժումով փափախը աչքերն է գցում, որ պաշտպանվի արևի թեք ճառագայթներից ու նայում է սարերին: Ճանապարհ դեռ շատ կայ:

—Սպիտակ ձի, քեզ տեսնեմ, դիմում է նա ձիուն, շոյելով նրա բաշը.—մինչեւ ժամը դուրս գալը ինձ տեղ կը հասցնես...

Ձին կարծես հասկանում է, գլուխը սաստիկ շարժելով առաջ է գնում: Մի մի էլ Գաբրիէլը ձեռքով շօշափում է ձիու կողքից կախ արած փոքրիկ քսակը: Գա էլ մի շատ հարկաւոր բան է: Տղամարդ ունեցող տունը այս երեկոյ անպատճառ բրինձի ճաշով պիտի թաթախվէր: Եւ Գաբրիէլ, իր տան այդ անունը պահելու համար, թափ էր տուել գրքւպանները, վերջին կօպէկներով երեք ֆունտ էժանագին բրինձ էր առել, ածել քսակի մէջ:

Կարմիր գրակը մեղմ ճօճում էր ճիպտի ծայրին: Ճանապարհին շատ քիչ մարդ էր պատահում: Տիրում էր մի ահագին լուռութիւն, որ վախեցնում էր մանաւանդ այն տեղերում, ուր ճանապարհը մտնում էր բլուրների մէջ: Չատ էին այդ բլուրները եւ նրանք ունէին տխուր վախեցնող հօշակ: Միակ բանը, որ սիրտ էր տալիս միաւոր մարդուն անցնել վայրերով, այն էր, որ բլուրների շարքից յետոյ ճանապարհը գնում էր դէպի սարը: Այնտեղ արդէն

բաց աշխարհ էր, այնտեղ սկսվում էին Վերին-Չէնի հոգերը:

Գաբրիէլի վրա մի ինչ որ տխրութիւն եկաւ. նա չէր էլ ուզում իր շուրջը նայել: Չէր կարողանում նայել մանաւանդ ազոաններին, որոնք ծանր թուշում էին թումբից թումբ, ազաղակում էին, կարծես պատում էին որսի վրա: Բայց դեռ օր կար եւ սպիտակ ձին իր աշխոյժը չէր կորցնում:

Ծանր բօսքները անցան: Գաբրիէլը յանկարծ ուղղվեց, դուարթացաւ, կարծես քնից սթափվեց. նոյն իսկ սկսեց ըթի տակ շվշվացնել: Հասել էր Սպիտակ բլուրին: Սպիտակ էր անուանվում նա այն պատճառով, որ գագաթից մինչեւ համարեա կէսը լերկ լուսնահոյից էր. կարծես մէկը կանգնել էր նրա ծայրին եւ մոխիր ու քարակոյտեր էր թափել դէպի ցած, լանջերով:

Այժմ փառք Ատուծու... Գաբրիէլը խորը հառաչեց և աւելի եւս սաստիկ շարժեց իր ոտները: Ուզում էր, որ ձին էլ շուտ հասնէ Սպիտակ բլուրի այն ծանօթ լանջին, որտեղից երեւում էր Վերին-Չէնի շրջակայքը...

Նա հասաւ այդ տեղին: Բայց այտեղ էլ պատահեց երկու մարդկանց: Առջեւից էին գալիս նրանք, շտապում էին: Հայեր էին. համարեա կանգ շառնելով, դիմեցին Գաբրիէլին:

— Եզրայր ուր ես գնում:

— Տուն, պատասխանեց Գաբրիէլը և նայեց ճի-

պոտի ծայրին:

— Ճանապարհդ սրտեղով է:

— Ուզող, Վերին-Չէնը:

-- Եղբայր, հայ քրիստոնեայ ես, յետ դարձիր:

— Ի՞նչ կայ:

— Առջեւումդ վատ մարդիկ կան, ասաց նըրանցից մէկը. — մենք տեսանք ձիաւոր էին, յետ դարձանք, գնում ենք այս մօտիկ գիւղը, գիշերը այնտեղ կը մնանք: Ե՛կ, եկ, խեղճ ես... Քեզ համար էլ տեղ կը գտնենք: Այնտեղ մենք բարեկամներ ունենք...

Գաբրիէլը հասկացաւ, թէ ինչ են ասում այդ անծանօթ մարդիկ: Նա կանգ առաւ, բայց հանդիպողները չը սպասեցին նրան, շարունակեցին իրանց ճանապարհը, շարունակ կանչելով որ նա յետ դառնայ:

Իսկ Գաբրիէլը յետ չը դարձաւ: Նրա ականջները այդ երկուսի հետ էին, իսկ աչքերը... Սպիտակ բլուրի լանջից բացվել էր ծանօթ տեսարանը: Առջեւում, ծմակոտ սարի լանջի վրա, սպիտակին էր տալիս մի փոքրիկ եկեղեցի: Նա Վերին-Չէնի կողքին էր գտնվում, գիւղի վանքն էր: Ամեն տեղ հսկայական շուաքներ էին տարածված, ամեն տեղ արդէն երեկոն էր գալիս, միայն վանքն էր, որի վրա դեռ արեւ կար: Անտառների մութ-կապոյտ աշխարհում ի՞նչպէս էր փալկում վանքի ամբողջ մարմինը: Այտեղից նա ձիւնից շինված էր երեւում. այստեղից նայողն էր տեսնում, թէ ինչպէս արեւի

վերջին լոյսերը պսակ էին կապել նրա բարձր գրմբէթի շուրջը...

Վաղը առաւօտեան այդտեղ պիտի լինէր պատարագը: Գեռ լոյսն ու մութը չը բաժանված, գիւզը այնտեղ պիտի գնար: Գաբրիէլը մատաղ էլ ունէր: Տանը կապած էր շաղ սև ոչխարը. ինքն էր առել: Իր կեանքում դա երկրորդ անգամն էր, Գրիգորի հիւանդութեան ժամանակն էր խոստացել: Խոստացել էր իր ձերքով մորթել ու Գէորգի շիմքի առջեւ, աղօթարանը կարմրելու ըստէին:

Եւ նա մէկ էլ նայեց ճիպոտի ծայրին, ձեռքով շօշափեց փոքրիկ քսակը: Մի անգամ էլ նայեց վանքին, երեսին խաչ հանեց ու ոտներով խփեց ձիու կողերին: Երկու անծանօթ փաղչողները հեռուից էլ մի անգամ կանչեցին: Բայց Գաբրիէլն ձին յետ չը դարձաւ: Նա շարունակեց ճանապարհը, նա չէր կարող չը շարունակել:

Մի փոքրիկ առուակ էր հոսում Սպիտակ բլուրի միւս կողմում, մի լուռ ու խեղճ առուակ: Այդտեղ իջաւ Գաբրիէլը: Չին ջուր խրմեց, իսկ նա մինչեւ այդ իր ճիպոտը խրեց համետի շուաններից մէկի արանքը և կարմիր գգակը էլի դրեց նրա ծայրին: Այդտեղից նա ոտով պիտի գնայ: Ճանապարհը դէպի սարն է, ձին չը պիտի յոգներ որ շուտ գնար: Չուտ գնալը աւելի եւս հարկաւոր էր. վտանգ կար շորս կողմը, իսկ վտանգի մէջ գիւզացին յոյս ունի միջան իր ոտների, մէկ էլ Աստուծու վրա...

Գնում էր Գաբրիէլը և ինքն իրան սիրտ էր տալիս: Աւազակներ, ահ... Կան աւազակներ ճամարիտ է, բայց ինչ գործ ունեն նրանք իր հետ. խեղճ մարդուն նրանք չեն դիպչում, ի՞նչ պիտի տանեն: Միթէ չեն: Բայց հեռուից էլ կարելի է տեսնել, որ ձին անուշով է ձի: Պառաւ, շոր ոսկոր մի բան է, որ միայն գիւզացուն կարող է հարկաւոր լինել: Ասում են, Բէշիր օղլու խումբն է. ասում են, Բէշիր օղլին արնախում է...

Գաբրիէլը աշխատում էր մտրից հեռացնել աւազակներին: Չորս կողմում տիրած խորին լուսթիւնը նրան յուսադրում էր, որ մարդ չը կայ այս կողմերում: Միայն երբեմն ազուաւի ձայնն էր գալիս, նա էլ հեռու էր, երեւի բըլուրների վրա:

Բաւական տեղ գնաց Գաբրիէլը. մի երկու ցածրիկ լանջ էլ, և Վերին-Չենի հոգերին կը հասնէ: Բայց այս ի՞նչ էր: Չայն: Կասես թէ մարդկային մի խօսքի պատառ եկաւ անցաւ ճանապարհի վրայով. կասես թէ այդ պատառին հետեւեց մի ուրիշը, բայց այս մէկը տեղ չը հասաւ, մտրեց կորաւ լանջի հտեւում: Ի՞նչ էր, սրտեղից էր: Փոքրիկ քամի կար, երեւի նա էր այդպէս խաբողը:

Գաբրիէլը աչքերը փակեց. եթէ մարդիկ էլ են, նա չէ ուզում տեսնել նրանց: Նա խեղճ է, շատ խեղճ է, նրան չեն դիպչի: Որքան այժմ նա վստահ էր իր խեղճութեան վրա. որքան լաւ պաշտպանված էր համարում իրան իր այդ խեղճութեամբ:

Գարձեալ ամեն ինչ լռեց չորս կողմում: Գարձեալ Գարբրիէլը ասում է իրան, որ ոչինչ չը կայ: Հին ճանապարհի միջով էր բարձրանում, իսկ Գարբրիէլը աշխատում էր թփերի ետեւով անցնել. էլի պաշտպանութիւն է:

Նա յետ չէր նայում: Եթէ նայէր, կը տեսնէր իր ետեւում, ձորի միւս կողմից բարձրացած լանջի վրա մի քանի սեւ կէտեր: Գրանք մարդիկ էին: Երկուսը զբաղ բռնեցին. — մարդը, թէ կարմիր գգակը: Հարցը պիտի վճռէր արագաձիգ հրացանը: Ամբողջովին փամփուռաների շարաններով ծածկված մէկը չորեց ձախ ծնկան վրա: Նա հպարտանում էր, որ ամբողջ խմբի մէջ ինքն է ամենալաւ հրացանաձիգը և իր հրացանի նմանը չունի ոչ ոք: Գրա ապացոյցը պիտի լինէր սպիտակ ձիու մէջքին տնկած ճիպոտի ծայրին սեղմ օրօրվոյ կարմիր գգակը:

Ծխաց հրացանը, լավեց մի խուլ բոմբիւն: Գարբրիէլը ձեռքը սեղմեց մէջքին, օրօրվեց, չորեց: Գարմիր գլխարկը շարունակում էր ճոճել ճիպոտի ծայրին: Լանջի մարդիկ բրբջացին, իսկ հրացան արձակողը կատապած թքեց, գէն շրպրտեց հրացանը: Վստան էր:

Ոչ ոք տեղից չը շարժվեց: Գա որս չէր. աւագակներն էլ գիտէին, որ խեղճ մարդ է գնացողը, թալան չը կայ: Նրանք միայն հրացան էին փորձում: Եւ չուտով անհետացան, չը կամեցան էլ խմանալ, թէ ինչ մնաց սարը տանող ճանապարհի վրա:

Փսկ այդ ճանապարհին երկար գիծ էր թողնում արիւնը: Գարբրիէլը շարժվել կարող էր. և նա կանգ չառաւ: Գնում էր, գնում բայց ծանր, կիսամեռ: Ոտները ծալվում էին աչքերը մթնում էին: Զառիվերեր էին գալիս նրա առջևը. բայց նա կանգնել չը գիտէր, փորսող տալով էր բարձրանում: Զին հանդարտ քայլում էր նրա առջեւից:

Այժմ բոլորովին անվերջ էր ճանապարհը: Աստղերը վաղուց էին ծածկել երկնակամարը: Նրանցից շատերը երկար ճանապարհ կտրեցին, արդէն մարում էին, իսկ նրանց տակ անտառոտ սարի լանջերով դէպի վեր էր սողում վիրաւորը, թողնելով իր ետեւից կարմիր գիծ... Ահա նա ընկաւ, նստեց փորձեց վեր կենալ, նորից ընկաւ: Մի քանի անգամ կրկնվեց այդ մաքառումը կեանքի և մահվան մէջ: Գարբրիէլը ահագին ոյժ գործ դնելով աջ ու ձախ դարձրեց իր սարսափելի ծանր, կապարեայ գլուխը: Տեսնել էր ուզում: Նկատեց արդեօք, որ հասել է իր արտին:

Գլուխը ընկաւ մի քարի վրա, նա մի խուռոց արձակեց: Լոյսը օդի մէջ շատանում էր:

Անցան ժամեր: Վեր, կացաւ Վերին-Ձէնը: Լոյս աստղը ծագել էր, ս. Գէորգը սպիտակին էր տալիս մութի մէջ:

Այդ միջոցին գիւղը մտաւ սպիտակ ձին: Նրա մէջքի վրա, ճիպոտի ծայրին, տատանվում էր կարմիր գգակը. նրա կողքին կապած էր փոքրիկ քսակը:

Իսկ Գաբրիէլը ընկած էր իր արտի մօտ կանաչ
խոտերը նրա շուրջը հանգարտ օրօրվում էին իրար
համբուրում...

Լէօ



« Ազգային գրադարան »

NL0348049

ԳՐԱՆԻՅԱԿ.

Գրվել է Բաքու, Սուրբ Գրգորյան, № 27
Վ. Ա. Գումրիչյանի կողմից.



33263

